

جریدہ عالیہ

مشیت جلیلہ اسلامیہ نک جریدہ رسیہ سید

صفر ۱۳۳۵

عدو: ۲۸

آیدہ بر نشر اولنور

اوپنچی سنہ

فتواخانه عالی قرارری

وقف اوزرنده بولان اشجار و کروم وابنه حصه لرینک هبه سی حقنده [*]

حادثه زمین اذن متولی ایله موهوب له فراغ اوله رق اوزرنده مغروس اولان اشجار و کرومده شایعاً و اذن متولی ایله فراغ اولمسه بیلله اوزرنده مبنی اولوب

[*] بوبابده شورای دولندن وارد اولان تذکره :

اسکدارده عمرانیه محله سنده کائن زمینی هدایی عزیز محمود افندی حضرتلرینک اولاد کرانه مشروطه وقفندن مقاطعه لی کوشک و باغک زمینله کروم وابنه نک سکر حصه اعتباریله بش سهمنه متصرفه اولان عایشه صدیقه خانمک سالفالد کر بش سهمدن ایکی سهمنی اولنجه به قدر بسله مک شرطیله فاطمه سعادت خانم هبه و مجاناً فراغ ایلش اولدیفندن بمثله مذکور هبه نک صحتی و اشجار و کروم و آثاری بولان یرلره درجه شمولی حقنده استفساری حاوی اوله رق مالیه نظارت جلیله نک شورای دولته حواله بیوریلان ۱۸ حزیران ۱۳۳۲ تاریخلی تذکره سی لفاً ارسال قلنش اولمقله تذکره مذکوره مندرجاتنه نظراً فتواخانه عالیجه لایح اوله جقی مطالعه نک اشعارینه مساعدت جلیله مشیختیناهیلرینک شایان بیورلسی تنظیمات دائرهمسی قراریله تنی اولنور .

مالیه نظارتنک صدارته مرسل مذکور تذکره سی :

اسکدارده عمرانیه محله سنده یالکز سروی جاده سنده کائن زمینی هدایی عزیز محمود افندی حضرتلرینک اولاد کرانه مشروطه وقفندن مقاطعه لی کوشک و باغک زمینله کروم وابنه نک سکر حصه اعتباریله بش سهمنه باسندخانقانی متصرفه اولان عایشه صدیقه خانم سالفالد کر بش سهمدن ایکی سهمنی اولنجه به قدر بسله مک شرطیله فاطمه سعادت خانم هبه و مجاناً فراغ و متباقی اوچ سهمنی عهده سنده ابقا ایدوب مؤخرأ موی الیهاتک و فانیله سالفالد کر اوچ سهمک ورثه سنه انتقالی صره سنده اوقافده هبه نک عدم جوازینه بناء شرطله فراغ اولان ایکی حصه ده کی هبه یالکز ابنیه به مقصور بر اقلمش ومجلاً اجرا ایدیریلن تحقیقات و تدقیقاتدن تخمیناً یکرمی دونمه قریب اولان محل مذکورک دروننده ایکی باب کوشک و برآخور ایله اوچ قیو و مواقع مختلفه سنده یوز قدر میوه آغاجیله هنوز اکیلش قدان موجود اولدینی و جاده اوزرنده کی کوشکک آرقه جهتنده بش آلتی دونم محله اولجه باغ اولدینی حالده اخیراً کرومی قلع ایدیلرک بقله و آریه زرع ایدیلکی و بونلرک آره سنده کروم آثاری بولندینی و اراضی مذکوره نک غرب جهتی اوتهدن بری کرومدن خالی و غیر مزروع اولوب کوشکک بری اوراده مبنی و کثرت انتفاع ابنیه و اشجارده اولدینی ا کلاشلشددر امثالی حقنده سبق ایدن استیذان اوزرینه شورای دولت تنظیمات دائرهمسجه بالاتخاذ ۱۹ ایلول ۳۳۱ تاریخلی و درت یوز آلتمش برنومرولی بیورلدی ایله تبلیغ بیوریلان قراره و تفصیلات معروضه به نظراً موضوع بحث اولان هبه نک صحتی و اشجار و کروم آثاری بولان یرلره شمولی حقنده شورای مشارالیهجه تدقیقات اجرا سیله برقرار اتخادی منوط مساعدت علیه صدارت بناهیلریدر اولبابده امر و فرمان حضرت ولی الامرکدر .

قابل قسمت اولان ابنیه ده مفرزا وقابل قسمت اولیان ابنیه ده شایما مذکور حصه لر
هه وتسلیم ایدلش ایسه هه مذکوره صحیحه در و بروجه بالا فراغ وقوع بولمادیغنی تقدیرده
اشجار و کرومدن وقابل قسمت اولدیغنی صورتده بلا افراز شایما ابنیه دن مذکور
حصه لرك هه سی صحیحه دکلدر ومقاطعه لی اولان یرلر اذن متولی ایله آخره فراغ اولندقد
ابنه واشجار و کرومدن اثر قالماسه بیله مفروغ له مقاطعه قدیمه سی جانب وقفه ادا ایتدجه
بدندن اول یرلر نزع اولنه ماز .

★ ★

فسخ نکاح خصوصنده شهادتک صورت اداسی

زوجك مفقودیتدن طولای فسخ نکاح خصوصنده قاضی به مراجعت ایدن زوجه نك
اصلا مالی و زوج غائبك تقود وعروض وعقاری ومدیون ومودعی وکندیسنه ادانه
ایدن کیسه بولمادیغنی وفقه نك هیچ بروجله تحصیل ممکن اولمادیغنی بالینه اثبات
وزوجه مزبورده یمین ایتدکده زوجك غایبنده بلا خصم حاضر قاضی فسخ نکاح
دعواسی رؤیت ایدم جکی .

دیگر صورت

شاهد لرك مجرد وفقه نك تحصیلی متذردر دیملری درجه کافیه ده اولیوب مزبورده نك
اصلا مالی اولمادیغنی و زوج غائبك تقود وعروض وعقاری ومدیون ومودعی بولمادیغنی
ومزبورده بی اتفاق ومزبورده ادانه ایدم جت کیسه نك دخی بولنامسنی بیان ایدم لرك
نقه نك تحصیلی متعذر اولدیغنه شهادت ایتلری لازم اوله جنی و بروجه بالا شهادتدن
صوکره حکم ایچون مزبورده نك تحلیفی ده اقتضا ایدم جکی .

★ ★

ترلانك حین فراغده تحدیدی کافی اولدیغنی حقنده [*]

حادثه ده ورته دن برینه فراغ ایدیلان ترلانك حدودی فارغ طرفدن محلنده اشارت
ایدلک لازم اولدیغنی جهته مذکور ترلانك حدودی بروجه محرر تماماً بیان اولدیغنی
تقدیرده ورته سائر زیاده به مداخله ایدم منزلر .

[*] بو بابده یلواج قاضیلکینک استفتاسی صورتی :

زید اراضی امیرییه دن طاپو ایله تصرفنده بولتان ترلاسنی خانه سنده تحدید ایدرک بخلنده اراشه
ایتمکسزین بش بحق دوندردیو اوغلی عمروه اذن صاحب ارضله محضر شهودده بجانا فراغ
ایتدکن صکره زید وفات ایدوب اول ترلا هند المساحه آلتی دونم زیاده اولدیغنی ظاهر اولسه
متوفای مزبور زیدک ورته سی اول زیاده به مداخله به قادر اولورلری ؟